


LIGAR

FUELHA D'INFORMACION

I.E.O.



R.P.

Capdaua : Pèireta DAUJAM
9, carrèra Flatters
75005 Paris

NUMERO 5

DECEMBRE DE 1982

Podetz escriure a l'I-E-O R-P avem una adreïça : I-E-O R-P 14. Car. de Nanteuil
5 014 PARIS.

I avem tambe una permanencia telefonica cada diluns de 19 a 20 oras : 531-43-38.

TAULEJADAS

Al mes de decembre n'i a pas de talejada. Se farà lo d'arièr dissabte de genièr al
C E P 33. Car. Linné

I-E-O R-P ACTIVITATS

Lo C A se farà lo 17 de decembre a 19 oras a l'adreïça de l'I-E-O R-P.

Ordre del jorn : bilanç de cap de l'an
projectes

Cors de Lengodocian :

Lo cors de Lengodocian mejan se farà lo dijòus de 21 oras a 23 oras al Centre Valeyre,
al lòc del dimars.

RANDOLEJADA :

Lo 9 de genièr de 1983 podretz marchar dins lo bòsc de l'ISLE ADAM. Telefonar la set-
mana avant a Nicòla BORNES : 209-22-31(ostal) ; 296-76-10(burèu).

RADIO :

Las emissions tornaran començar lo 20 de decembre de 1982.

INFORMACIONS GENERALAS :

L'amassada de l'I-E-O se farà a la M J C de l'I-E-O-Tarn 13 Car. de la Republica ALBI
lo 18 e 19 de decembre. Los que prendrian lo trin per s'i rendre pòdon beneficiar
d'una bilheta congrès (20% de reduccion). Entresenhas : I-E-O-Tarn.

Lo 12 de decembre se tenguèt a SETA l'amassada del Pen-Club de lenga d'Oc amb debat
e spectacle sul tèma : "l'actualitat de la creacion occitana".

Lo 20 e 21 de novembre se tenguèt a PARIS l'acampada del DPLF, moviment representat
per Alsacians, Flamencs, Còrses, Vascos, Bretons, Catalans e Occitans. Per l'Occitània
l'I-E-O e lo C R E O Paris èran presents. Lo punt foguèt fait sus tele-radiò : en
defora dels Bretons que per eles tòt marcha a pauc près coma cal e dels Vascos qu'es-
peran la tele venguda del territori vasco autonòma del sud, los autres pòbles ne son
totjorn a comptar qualques minutas aici-aval. Lo dimenge se parlèt d'ensenhament. Lo
sul punt que semblaria mai o mens positiu es lo de l'ensenhament primari ont aquò
sembla per l'Occitània e la Flandra qu'an gaireben pas de mestres itinerants o consel-
hers pedagogics. Per çò qu'es dels colègis e liceus, tot lo monde nòta de reculada
a causa de la manca de credits per pagar las oras. Lo superior es en buta al refus de
l'abilitacion per la licéncia : sols los Bretons n'an una, los Catalans venon d'obtenir
lo DEUG. Fin finala, un tèxt deu èsser mandat als ministaris : Educacion Nacionala,
Cultura e Comunicacion. Letra serà mandada a Mitterand que podrià devenir "letra duberta."

Per mercar lo quatrèn centenari de la publicacion dels Psalms de David metuts en rima biarnesa. Per Noste-IEO e l'Institut culturau de Gasconha an decidit de reeditar l'obra del poèta traductor Arnaud de Salette. L'edicion novela serà acompanhada d'un disc de 5 psalms cantats sus de musica del sègle XVI. Lo libre e lo disc parèisseran a la debut de 1983.

Un trentenat de cercaires franceses e estrangiers s'acamparan a Orthez del 16 al 18 de febrèr. Tèma : Arnaud de Salette e son temps, lo Bearn dejous J. d'Albret. Del 18 al 31 de mars una expausicion sul meteis tèma se tendrà a la bibliotèca municipala de Pau. Un catalòg es publicat a aquesta escasença. Forças conferenças son previstas : lo 16 de febrèr a Orthez : J. d'Albret, escrivan ; lo 18 a la fac de las letras de Pau : "las primièras annadas de la refòrma establida en Bearn".

Lo concors annadièr litterari e artistic de l'A.l.A.P compren una seccion occitana. Escriure amb una envelòpa timbrada per la responsa a l'A.l.a.p 42 Aleas d'Orleans 33 000 Bordèu.

Autariba, en país tolosan, se ven d'abessonar amb Hermannsburg (Alemanha) e Arenys de Mar (Espanha). Cada vila a fait estampar dins sa lenga la carta (fr charte) que las engatja a una mutuala collaboracion dins un esperit de frairetat europeenca. Los tèxtes son estats redigits en alemand, catalan, occitan.

Çada mès al centre cultural de l'abadia de Flaran (32) se ten de rencontras culturals sus la lenga e litteratura occitanas. L'axe de reflexion serà l'obra del mas gran poèta gascon d'aqueste sègle : Miqueu Camelat (1871-1962). Decembre : Belina ; genièr : Morta e viva ; febrèr : Lola e lo teatre ; mars : la pròsa didactica e los contes. S'i pòt dormir emanjar. Entresenhas : Penent, animator de l'abadia de Flaran 32 310 Valence sur Baïse.

Del diluns 4 al 10 d'abril se farà un estagi intesiù de gascon a Sauvelade (64). Entresenhas : M. Grosclaude Sauvelade 64 150 Mourenx.

Lo CCOR organisa d'estagis de radio. Lo primièr rencontre se tenguèt lo 12 de decembre a Vilafranca de Roergue. Entresenhas : J.P Cafier Las Capucinas n°302 Lo Tricot 12 200 Vilafranca.

Lo centre Thomas More especializat dins las sciéncias umanas (BP 105, 69 210 L'Abresle) a entemenat sa seria de "taulas redondas" per 1982-1983. Una session i es prevista al mes de març qu'aurà per tèma : "le mouvement régionaliste ; cas de l'Occitanie" I prendran part altern del sociòlog Morin de l'universitat de Tolosa Miralh, d'òmes de teatre (Alrancq), de cantaires (Los deu Larvath), d'ensenhaires (calendretas).

Lo 11 de decembre E. Giordan autor del rapòrt "Democratie culturelle et droit à la diférence" es vengut parlar a Montalban.

Las Floralias literarias dels Ainats obtengueron, dos ans a, un succès espectacular. Pòrta retirats, que prengueron la pluma pel primièr còp a l'òcasion d'aquel concors, continuan d'escriure . A la prima que ven, d'autres vocacions tardivas de poètas e escrivans s'ob se poiran revelar amb las segondas floralias. Entresenhas : Presencia activa dels Ainats 64 Bd J. Brunhes 31 300 Tolosa.

INTERNACIONAL

Un patriote vasco, X. Manterola, qu'ei en preson a Mont de Marsan despuish onze mes. Qu'ei acusat d'aver panat sòus dens una banca tàra organisacion patriana "Iparretarak". Aquera accion que s'enscriu dens era luta de liberacion nacionaua e sociaua deth pòp vasco. Aqueth X. Manterola qu'a besonh d'estar sostengut.

Eths estudiants der Institut d'Estidis Vascos de Baiona aplegats en acampada generaua eth 3 de noveme de 1982 qu'an decidit de's botar en Associacion. Que demandan era arreconeishença oficiana d'aqueth Institut, era creacion d'ua licença e ua mestresa de vasco com era deths Bretons.

ELB (Euskal Herriko Laborarien Batasuna) qu'ei vadut eth 30 d'octobre . Qu'ei un sindicat agricòu propri ath Vascoat. Aqueths paisans que s'an fotut eth camp dera FDSEA qui ei enter eras mans deths paisans gros. Er'objectiu qu'ei era defensa deths mes desfavorisats paisans. Que son entrats entà era Confederacion Nacionaua deths Sindicats de Tribalhadors Paisans. Qu'an un butletin mesuau : "Laborari-Lo Paisan" eth numero 1 qu'ei sortit ja. Abonament : 50F (un an) ELB 1 Car. Renaud 64 220 Saint Jean Pied de Port.

Eras transformacions a prepaus deras extradicions que hèn pesar un danger grave sura securitat e'th aculh dens er'Estat francès deths patriòtes vascos e anti-fascistas der'Estat espanhou . Un tornar de cap eras concepcions de Peyrefitte e Giscard. Sustot qu'a dit eth deputat socialista Destrade aFR3 : "dab eth PSOE ath governament, n'a pas mes de rason d'estar eth terrorisme vasco".

De capsus : que va perseguir era luta armada ETA militar.

Eth diluns eth 6 de deceme qu'a anonciat aquera decision e qu'a arreemarcant eth cambiament dera esperança, vaduda dab era venguda deths socialistas ath cap der'Estat, en un rideu de hum. Qu'a arripelat eras soas revendicacions : arreconeishença deth dreth ar'auto-determinacion e'th partir deras Forças der'ordi deth Vascoat.

BRES-DISCS

La seccion de VVAP Paris ven de publicar una novela revista : "DRALHAS". Se vol un lòc d'escanvis e de reflexion. Dins lo primièr numerò trobaretz un dossièr important sus la CEE que fa lo punt sus la plaça de las regions nostas dins la CEE, del punt de vista : agricòla, politica internacionala, institucions, Articles politics (Femnas e politica, Ecologia politica) articles de fons (espaci-nacion-Occitania), Mestrejar nostre passat e analisis economicas i trabon sa plaça. L'abonament es de 60F per 4 numeros Oyerbide "DRALHAS" 67 Car. de l'Amiral Mouchez 75013 Paris.

Las edicions PER NOSTE venon de reeditar doas pèças de teatre : "aidius n'ei pas a vener" d'A. Eygun e "Lo crit deu còr" de Narioo.

Las edicions ouvrières : 12 AV. Soeur Rosalie 75 621 Paris Cx13 venon de publicar "Syndicalisme et mouvement sociaux" un libre ont Tozzi tracta de la presa en compte del regionalisme, del feminisme e de l'ecologia pel movement sindical. La primièra part de l' obratge es estada escrita amb l'aduja d'occitanistas.

Fondat per Nelli , Patronat per d'istorians coneguts, lo Centre nacional d'estudis cathares vol recampar la documentacion sul catarisme per facilitar las recercas e los escambis. Riou, ostal del departament, 11 000 Carcassona.

La federacion departamentala de l'Edat tresena de Tarn e Garona ven de publicar lo libre 2 de "Testimonis". Es una obra colectiva de sos adherents ; presentada coma una antologia, lo tèma comun es l'amor del país e l'enrasigament al terrador. Un libre bilenga a comendar : FDET 520 Av. de Monclar 82 014 Montalban.

Reprenent una tradicion gaireben centenaria en terra d'Arieja, lo club occitan del fogal Leo-Lagrange de Fois ven de far pareisser lo n°1 de l'Almanach ariegeois.

Amilhat e Casteras venon de realisar : "Peiras ardentas", un diaporama sonorizat en multivision de 45mm, evocant los castels catars, musica electro-acostica originala. Se pòt demandar a Casteras 15 Car. Lebre 31500 Tolosa.

Ven de pareisser en ço de Vent Terral : Las Renadivas poèmas de Rosalina Rocha.

La seccion de l'IEO-Tarn presenta la reedicion d'un obratge sortit en 1797. J. Daubian nos dona aqui sa pèça : "Lo misantròp travestit" d'après l'òbra de molière.

Dins lo n°57 de la revista : "connaissance du pays d'oc", i a d'articles consacrats a Leitona en Lomanha; als capels de Sètfons; a una passejada dins Ardecha ; al caval de Camarga...E forças causas encara.

Los de Nadau venon de sortir un disc : "t'on vas?"